

286602 148 50
DOLFO ZORZUT


La Furlane


CUNT-UN PAR DI
ALTRIS STURIUTIS

D A T F U R D A L A U T O R 1919

BIBLIOTECA CIVICA
UDINE

MISC. 148.50





D O L F O Z O R Z U T

LIBRARY OF THE UNIVERSITY OF TORONTO

LA FURLANE

CUNT-UN PAR DI ALTRIS STURIUTIS

D A T F U R D A L A U T O R 1 9 1 9

'Lautor al ten par sè duçh i diric.

A la siore
EMMA VATTA-CAVALCANTE
pal gran ben che mi à fat

F U R L A N S,

no sai nance jo, çimût che mi àn sburtat fintramai cassù. Tant lontanon da nestris tiaris tant lontanon che mi ven voe di vaî e cualchi volte us vai ance come un frut. E cun chel cur cussì ingropat jai vuarut imbastî-us alc e us jai parat sù a la mate chisti sturiutis. Mi à parut di sei tornat a nassi biel che scrivevi. „E tu nus dàs di lei a nualtris? — vês cur di dî-mi! Ma sintit. Ance vualtris dovês vê un color neri, dovês sei neris come l'ingiustri çhalin. Leef, cà'lè'l miò cur, leef, e se jo jai vajut biel scrivint, forsi forsi ance a vualtris us pararà di sei sintaç su la bance tal quartefurdinape lajù lajù.

Un biel salut di cur dal vuestri sfloçhon

DOLFO ZORZUT.

TROPAVIE, avost 1917.

U R L A N S

an old proverb is found in the oldest German
records. That proverb is: "Wer hat die Hand
an den Topf, der hat die Hand an den
Topf." It can also be found in the oldest
records as a proverb in a more olden
form. It is a proverb of the oldest kind. It is
a proverb of the oldest kind. It is a proverb
of the oldest kind. It is a proverb of the
oldest kind. It is a proverb of the oldest
kind. It is a proverb of the oldest kind.

The first part of the second chapter

DOLEO ZORILL

PROBATE 1891

L A F U R L A N E

U n p a r d i c u a d r u ç

Rusute dafarade struce la polente. Ti fume chê lunone e 'l fun al çhol cun sè chel bon odor chel 'l viarç la boce dal stómit. Une sdrumiérie di int ti spiete lì 'tor da taule e ti mange cui voi chê binidiçion dal Signor. Cápite 'l toçh, e ti svuatárin, e 'l torondel al dovente simpri plui piçinin. Duçh çidins ti ménin li grámulis. Rusute t-un bati di voli ju contente duçh cuançh. In code al salte fur el lidric di chê tirinone di crep. Mangiat; la çene jè finide, la puere çene furlane.

I frutuç, fis dal prin fi di 'sar Zuan, un daûr di chel altri ti córin fur sburiç come 'l jèur sfolmenat da tane: si sa, ti son li lúsignis che s' impiîn e si distúdin di fur che ju spiétin. I zóvins ti van pa vile a fâ la çhantade. I viei si tîrin tal quartefurdinape e cul bocai di vin di sof dal nas scoménçin lor a contâ-si di vacis, viçei, di çhamps e di ploe.

Dome Rusute jè li ancemò in cusine e disbrate daurman la taule e po si tache a lavâ la massarie. Ti lave e ti çhantuçe:

Sù vie, Rusute,
sù fâs da sen,
che zà cà in presse
ven el to ben.

Cuant che 'l mi çhale,
crôt che jo mûr,
cun ches so oçhadis
robe 'l miò cur.

Ma Diu, çe ise
che 'l cur mi dûl...

Cà si ferme e ti à propi tal cur une dulie. Ti çhale fur pal barcon seneose e viot che ros no 'l è plui lajù, che 'l soreli 'l è lât a mont, che li stelis son zà un pôc plui in sù che si çizîchin e i puers feraî cul petroli sçharsot lûsin e no lûsin in jenfre da çhasis dal paîs.

E no 'l ven ancemò! Cunt-un pôc di rabie je ti dà un tiron a la tindine rosse dal barcunuf, impie 'l lusor e si tire cuce cuce e si scrofe sul prin sçhalin dal fogolar.

— Rusute, tu tu váis! Mi pâr che si scomençi mal usgnot!

— Ma, us prei, cui váie? — e fasint fente di sgnofâ-si 'l nas si sue chê lagrimute che 'l voli, chel mostaçhon, gi la fâs cori jù pa bafete.

— Ancemò che no 'l ven! Sint, scometi che 'l è lui chist, mitipen che chist 'l è 'l so pas. Sì, lui... Çha' no, no sinti plui nuje!

E i veçhos no i bádin plui a je e scomençin indaûr li storis d'in chê volte, d'in chê voltone, che Diu nus judi!

— E pur al mi à dit che 'l vegnarà, che usgnot al ja di vignî dal sigur! Tanti robis, tanti robonis che ài di contâ-i, jo. Par doman infant jai za pront el ábit. Doman po si che i vuei parê-gi bon!...

— Buine sere, la me int — e Rusute ja un bot tal cur, ti fâs un salton, cor a çholi-lu, lu çhape pai braç e lu tire ance lui par mîs dal fogolar e i dá la çhadrée.

'L è 'Sifut, el fi dal mulinar, un biel zóvin, fuart, doi voi neris, muse france, un par di mostaçhuts e i çhavei nerons e riç come un agnel.

— Ja dit miò pari, che us disi, 'sar Zuan, che par passan-doman la farine jè pronte; vîn propi un grun di lavor chisçh dis e juste par fâ-us un plasé si à duvut meti da bande tanti altris voris — al scomençe lui.

— Graçis, graçis, ben ben, tu i disaras che ance jo un'altre volte...

— Nuje, nuje, si dovi pur judâ si un cu l'altri.

— Sint mo, çimût vae cu la campagne? Mènie ben là di vualtris?

— Benon, la arbe mene che 'l è un gust, la vigne chist an, se Diu nus la mande simpri cussì, çe, uone a botaç e 'l forment...

— Jai a plasè, jai propi a plasè, e... — lì el vieli al va indenant, ma 'Sifut al si à zà tirat plui indonge di Rusute e no lu sint plui.

— Tant timp, spiete tu! Tant timp stâ di fur!

— Çe us-tu, jeri fur sì; ben, induvine mo là che jeri! Çe muse lunge che tu mi fâsis! Po ben, jeri a çhol-ti chist sclopon tal nestri urfut; tra lus e scur lu ài olmat; se tu ûs, sôî ance bon di dâ-ti-lu, jo!

— Țha' ȇ biel, ȇ sclopat! 'L ȇ un gust a ȇhalȃ-lu. Graȇis di cur. Ū, ȇ bon che ȃi di parȇ jo doman! Mi lu das-tu po? Sas-tu ȇ, doman cuant che balarin la furlane jo ti lu darai a ti. Ses-tu content cussì? E jo par infant lu metarai tal fresc da ȇhaf dal miȃ jet ta faȇute sȃf dal cuadri da Madone e po...

— O Diu tu, sint, sint, la me frute; sas-tu tu che sȃi un pȃc rabiȇat cun te, sȃ po da bon! No stȃ ridi, no! No tu sȃs stade buine di dȃ-mi ancemȃ che tu mi ũlis ben, tu, e jo sȃi simpri t-un dȃ-ti...

— No tu sȃs sigur? 'cȃrie che ti disi? Di sȃ ti disarai sas-tu cuant? e sberlarai in ȇhȇ volte che mi sintaran ance... denant dal ortar.

— Tu tu sȃs la me culumbute, tu sȃs!

— Țe voi che tu mi ȃs usȇnot, canajat!

— Ti mangiarȇssin...

— Lassi-mi stȃ, ti prei, lassi-mi, benedet, tu; ve' che miȃ pari nus ten di voli. Moli-mi, moli-mi 'l braȇ! Țha ȇ che 'l si tire pa barbe! Cussì, cussì; ma... ma... no stȃ lȃ-mi po tant lontan tu cumȃ...

— Cull no si sta tant ben, propi; ti son dome t-un ȇhalȃ-nus, ti son. Ven cull un pȃc plui tal scurȃt. Benedet el scur, lui! Se si fos almȃncul di fur nualtris lȃ senȇ pauris! Sbassi-ti, sbassi-ti almȃncul, ti prei. Ven plui indȃnge cu la musute. Che nus ȇhali cui che ũl cumȃ, cumȃ tu sȃs me!

La ȇhape biel pal ȇhavȃt, la tire a sȇ e sun ȇhȇ musute i dȃ lui une ȇupade di gust e un sȇhoc come un colp di scȃrie al ti fȃs dȃ un suston a di ȇhei doi in font dal fogolar. — Ben, ben, dȃt biel e dȃt bon, dome simpri el timor di Diu, li mes ȃnimis — Țha', Tine — i dȃs a planc a la so femine cunt-une vos come di vaȃ — no sai propri parȇ, el cur lu ȃi ingropat; a ȇhase to, ti racuȃrdis-tu? ance jo ti ȃi bussade propri tal quartefurdinape; to pari 'l mi ȃ fat cori, e jo ȇimȃt che ȃi vajȃt e maludit el mont in ȇhȇ volte! No puedi propi no puedi dȃ-i nuȇ a di chel puer frutat a lȃ, parȇ? sarȇs peȇhat di fȃ-lu patȃ par gust!

Lui al ȇhol sȃ une bore, la bute su la pipe e 'l bughe daurman, el fun i robe i voi e 'l ȇ content di no viodi plui nuȇ. Tine ance je ti tire fur el rosari e ti pree sȃf vos. E tu, Rusute, se tu savȇssis, tu, ȇ rosone, ȇ borone che tu jas propi tal mieȇ da to musute!

Bȃtin la parte e come une folade di buere al cȃpite drenti Checo, un zȃvin dal paȃs, ȇhalt come 'l fuc, ance lui par Rusute.

Al si veve sȇchaldat fur di mȃt une sere ta file cuant che un grun di mȃs prime Rusute jere vignude a ȇhase so a judȃ la int a scussȃ panolis. In ȇhȇ sere je biel contant sturiutis, cun chel fȃ di furbate i butave ȇhalons, forsi contentone di sei ȇhalade int-un

mût che 'l ûl dî „sta 'tente che ài cur di doventâ mat“ e forsi indalore je no pensave nance in sun no che zujant i çhalons lu varéssin pudût impiâ-lu cun chel fuc che 'l bruse là che 'l toce. Di cà e di là dopo d'in chê volte je ti lu viodeve da spes fer come imbacuchit che i coreve daûr cui voi. Je di sôlit lu çhalave série e se no podeve voltâ strade, i butave un mandi sec sec in çhandele.

U stimi jo, je veve zà 'l so 'Sifut in chê volte. Par çhase Checo no 'l jere capitat mai. I disévin lor i amîs di Rusute che veve 'l fantat che 'l leve ogni sâbide a fâ 'l amor. Ance fevelant cun 'Sef cualchi volte lu viodeve che 'l fermave di contâ di colp e 'l inglutive la salive se si saltave fur di Rose. Ma no 'l vuareve crodi e simpri al veve alc di sperâ. I veve pur riduçat contente in chê volte! e çimût puêdie stâ-i?

In chê sere par jessi propi sigur 'l ûl lâ a viodi e 'l ti 'l è ance capitat.

Al dà un çhalon, al viot 'Sifut che 'l ninçule biel biel Rusute, ûl tornâ fur, ma po 'l si fâs indenant.

— Buine sere, la me int.

— Çhá' Checo! o, buine, buine — i dîs 'Sef.

— Si puedie vê une bore di fuc pal çigar?

— Si, vuluntir, parçé di no po! — i rispuint 'sar Zuan — culî 'l è tant fuc che vuârês!

Lui al va sul fogolar, i trame la man, al pare in bande i stiç cu li molecis, al çir fur une borone, ma tramant el fuc i cole propi su di Rusute. Chiste si jeve in pîns par parâ-si. 'Sef si tire in bande. I baste chist mumintut a Checo. Ta vuarelis, a stocs, a plancut i çiziche a la frute.

— Mi vévin dit, Rusute...ise vere che tu i ûlis ben?

E je fâs.

— Ise vere che par lui 'l è dut el ben e par me nance un frighinin no?

Je no dîs nuje.

— D'in chê file che tu sas, d'in chê volte jo no jai plui padin.

Je no sa nance çe rispuindi-gi, e po une vorone stufade:

— Çe us-tu che ti disi? Met el cur in pâs, Checo.

Checo al ja un sçhasson, i puins s'ingrîntin, al dismentee la bore e po 'l dîs cunt-une vos gruce scuâsin riduçant di ràbie:

— Vês el diau in çhase vô, 'sar Zuan, la vuestre Rose ja di fâ-us vaî, viodarês! — e po a planc a Rose che nissun no sinti — forsi tu tu às di paidî-lis, Rusute, e ja cur di displasê-ti, tu viodaras!

Si volte e clopant come un  hoc e stru hant cualchi  hadree al viar  la puarte, e vie fur lui.

—  e 'l vuar vie d -nus, Rusute — i dom ndin —  e 'l vuar vie d  po? jas-tu fat-i alc di mal?

— Po nuje — al d s 'Sef — no la v s capide ancem  che 'l ja dit juste par ridi! Subite pens  mal vualtris; a cognossi Checo, jo!

Rusute a t s. Se 'l v s sintut, lui,  e che Checo gi veve sbisiat-i in chel mumintut ta vuarelis!

In chel, fasint un davo , un  hadaldiau ti c pitin lor a  hase, come pole  spauri , i fruc, s ltin, c rin, sb rlin.

— Jo, jai tre! — Jo, cuatri! — Une di ches j  me! — No, po! — Fur la me, se no!...

— No la finiss s ancem , canais; mola t, us disi, li l signis — al scomen e 'sar Zuan — e vie di lunc sot dai bleons!

'Sar Zuan al si jeve in p ns e i fruc, capide reson, s  lor come diaui su pa s halis.

— J  ore di lass -si, magari cussi no! Ve' che 'sar pari al scomen e a sbrundul  e a ru n ; doman, 'Sifut, si viodarin inda r!

— Tu mi mandis vie masse a buinore, tu, Rusute; ma  ho, jo v i, dome,  im t che v n dit, el sclopon ten-lu par me. Buine  not, la me int!

— Buine, chel z vin.

La famee si tire a durm . Un p c di timp dopo du h ti du rmin. Ma    puere Rusute j  s  ancem  ta so  hamarute, je vai e pree, no p l par  vie chel  rop che ja tal cur e „tu  s di paid -lis“.

— Par   — a pense —  e i a-o fat jo di mal!

Ti viot el sclopon ta ta e, lu tire j , lu nase, ti poe 'l  haf sul jet, lasse la lun che ti ardi, e li ti va a  haf  doman.

*

— Va-mi vie di cull, va-mi fur dai voi, birbantat; no tu v s a fun ion avu ? spiete, tu, i contarai ben al ve hari, jo; altri che vuar -mi puart -mi vie un  rampon di luvins, va vie, ti disi, s ngo e l , us-tu propi f -mi blestem  come une l pare! — e la puere vi hute cu la vuis he in man a f s  e che p l par f -ju cori vie dal so  haru  cun    lombrenone par sore. E i fruc, lor ve'

a funcțion avuè; ti sáltin come zipiotis sù pa ranghieris, jù tom-bulis sul brear, rips sù pa ronchestre, ti fásin el montafin; 'l è lì el pulicai, ma çe zóvie? 'l è un puer dandan di vieli ance lui e cui ju párie? Po indaûr lor duçh int-un trop là da fminute cun chê scufe a l'antigae sul çhaf: un al ti sçhampe vie, li sachetis plenis di luvins, chel altri al ti cruste e 'l ti mastfe in boce cualchi clap e ti la fásin doventâ mate chê puere viçhute.

Jè la sagre a Borgnan e li banderis tal brear ti soflétin ta chel ajarin çhaldut e ti spiétin la int di glésie. Chê plaçe in chel moment ta chel soreli che 'l nase di viarte, cun chei morars di fuee za biel che nassude, cun ches banderis ti à un no sai çe che di biel che ti fàs gioldi ance un muart; 'l è propri un gust a viodi chei fruç come maç che ti si stuárzin come li anzilis e no ti viódin fore che ti finissi po une volte chê funcțion tant lungionone che mai.

No sarès po nance ore no, si sint el tantumergo ta glésie e a sçlinghinâ la çhampanute dal muini, si móvin sul tor, din-dan-din-don scampanófin lor li çhampanis, tirs di mortoleç di cà, di là, tai orç, ta braidis. I sbirs che stévin ance lor cujeç su la cros in alt dal tor, come la tampieste si bútin di cà e di là, ti zirin e ti sivilin che ti sturnis. La puarte da glésie ti criche ti crache, la sbúrtin, dut int-un si spalanche e si frúçin lor par saltâ fur a pletonons la int, e fur e fur e fur e simpri fur.

In chel jù pa bandis dal stradon di Migee si sint a pivetâ, sdrondenâ e i dan drenti di gust cun trombons, cavartoris e tamburon: jè une bandute di dis di lor rivaç in chel cunt-un sçhalar di Migee, ti cápitin indenant cun chei pèç in fur, lor.

— Sintis-o, sintis-o? Cápitin, cápitin!....

El nulon di int vie a cuatri di chê bande duçh cuanç a çholi i musicanç. Chê intone ven simpri plui indenant da bande da plaçe; jè rivade; la bande t'intone un alc di biel denant da çhase dal prin cunsiir e po là dal veçhari. Jan el diau ta pançe lor chê int, ti sóflin e ti súdin come raçis. Son sigurs lor che i bocai di alc e çe ju spiétin zaromai!

— Çe mi fasès-o, canajatis, no stet disdrumâ-mi po! Çha' che àn cur di rabaltâ-mi dut cuant; po di bot, ve' li! Diu, Diu, la me robe; vai-mit in nà; o, vai in nà; anin, anin po — e si sgose je chê puere viçhute.

Li gialinis spauridis ance lor di chel davoì ti cocodéchin e li raçis e li ocis cul cuac-cuac ti córin barcolant drenti a platâ-si tal bearç.

Dut Borgnan al fi 'l è in vore. In streçis ti pássin li zóvinis e ti rídin sof coç ai zóvins che plens di murbin si sbúrtin e si trússin indenant e ti sgórlin lor come giai.

Vuè si ûl gioldi la ligrie,
zuvinutis, fai-sit fur;
cà si salte, cà si bale:
par çhantâ no dul el cur.

Saltait fur, bieli bambinis,
puartait fur chel çhar murbin;
zà li giambis lis vês buinis
par balâ fin a la fin.

Ance 'l jêur fur*da so tane
al cor fur dut sbirlufit,
ance lui al çir la biele
e la tire tal so nit.

La çhareçe, la ninçule
e je biel si lasse fâ;
ise mal, se sot da l' arbe
lui plancut la ûl bussâ?

Çha' çe grun di bieli frutis
che nus çhâlin di sot coç;
ves-o voe, canajatis,
d' impiçhâ-nus come croç?

Ma Rusute la plui biele,
la plui biele di chist luc,
ve'-le li çe che nus çhale
cun chei voi come di fuc!

Po si ance Rusute jè cu li frutatis, cun chê arie di frutute si çhale di cà e di là contentone, ti vualme li trupis dai zóvins cun chei voglons che dísin „mangi-mi“; chel sclopon ros ros come une bore tal mieç da çhamisole çilistine i pâr tant bon; sot di chê çhamisole çhaminant si mof une vite di ágnul. Jè biele je cui scarpins a ponte, cul cutulin curt che i sta ben sui flancs ben faç e a suste; je ti à un biel cuel scurut e une muse color dal piârsul zà fat cunt-un ros scuron a plen, i lavris come sopis di vin, i çhavei çhapaç tal cocon neris neris. Ogni tant je si volte riduçant a di chist e a di chê e ance je gi rispuint a duçh cuançh in rime cun chê vos di udulute. Ti viot 'Sifut e i fâs boce di ridi.

Çe fiestone tal païs, çe fiestonone! Po çe, ance i viei si tîrin a fuarçe di boston su la boce da puarte e si sîntin sul çoc li denant. Duçh, si viot, ti son contenç. Jè la sagre da viarte chê li e cui vuarês-o che no sedi content?

Là di fur duçh ti giòldin! Checo 'l è stât un mumintut su la puarte a viodi a passâ chê intone, 'l si à fermat a çhalâ Rusute; ance je i à butat-i un çhalon sun chê puarte; la ja viudude a doventâ t-un colp serie serie. Cul cur che i bulive, lui al si à tirat drenti fa ostarie.

— Un mieç, Toni!

— No tu vâs fur?

— No, un mieç di chel blanc e di chel bon, us disi — al dîs cunt-une vos di pôc di bon.

'L ustir ti lu vualme cu la code dal voli.

— Cà 'l è alc di brut — al pense.

Al poe 'l vin e po ance lui al cor di fur par sintî di mior a sunâ.

— Çe vin canae, che 'l ten Toni avuè. 'L è mai mior che no lu bevi, mi sinti pôc ben. Çe, forsi chiste taçute ja cur di dâ-mi un pôc di fuarçe. Po, che ledi çimût che ûl — e jù ancemò une façe.

A cápîtin drenti a doi a tre i frutaç, sudaç come raçis.

— Çe biel bal avuè; une robe che no us disi!

— Cà un got, mestri Toni, ma di chel che 'l fâs çhantâ, vês-o capî?

— Vevi une jo, une çizile no ti va compain.

— Vês-o viudut Rose cun 'Sef?

— Ise mo une pavee chê là?

— Toni, ancemò un mieç — al sberle Checo rabiat.

Chei ti van fur e tórnin di altris.

— Çe bal, çe bal, çe robe! Mai stât tant biel; duçh ti bálin.

— Po, u stimi jo, ti àn beç duçh cuançh a di di vuè; no vês viudut li frutatis!

— Çe vistic, no jè plui robe filade, jè robe fate vignî. Jas-tu viudude la Rose di 'sar Zuan e çe ábit di prinçipesse!

— Po che la védin duçh cuançh Rose in nimenç avuè a pueste par fâ-mi mastiâ rábie — al pense tal cur invelegnat Checo. — Ancemò un mieç cull, no viodês che jai la flasche vuède, corpo e là — al rugne lui po a fuart zà sçhaldat avonde.

A cápîtin un altri trop; ti viódin Checo.

— Çe fâsis-tu po cull tu? No tu vegnis fur? Çe poleçis, altri che no, çe sbals di gust!

— Tâs mai là, no tu sas, tu. Lui al sta cull e la morose i la fruarà forsi cualchidun altri — al dîs un çimiant ai siei compains, çimût che si fâs po sençe vuarê magari.

— Çe as-tu dit? — al si jeve sù e jù un puin pa taule che 'l ti fâs rabaltâ li taçis e li flasçhis.

— Anin po, anin, no stin jessi fruç — al tache di mieç mestri Toni curint in cà cunt-un bocai di neri.

— Tu puedis crodi, se jai voe di patufâ-mi cun te cumò! Ven di fur ve' e ti passarà la fote ance a ti. Se 'l ti 'l è lât alc in stuart, çhol el vueli — e vie fur lor.

— Cà ancemò mieç, Toni! A vuè no si misure!

— Se no t'ûs vè altri, çho! Viot dome di no bevi 'l judiçi, Checo!

Di fur a ti súnin. 'L è zaromai scurot, impiîn i lampionons e li clocis tal brear. 'L ti 'l è cussì biel di fur. 'L è frescot, ma cui us-tu che 'l ti abadi! Còle la rosade, po no fâs mal! Çha' sul tor e çe lusor; sù une ronchete; u, çe biel, çe sflandoron. Ti scampanófin come tançh diaulins. E lì sul brear si vóltin, si messédin.

Checo no 'l si à muvut ancemò di chē çhadree. El vin lu ja sçhaldat ben e no mal, ma 'l judiçi no, al dîs di vè-lu ancemò!

— Çe fâ cul jo, 'l è mai mior che mi tîri sot da plete. E, tu Rusute, tu Rusute, tu às propi voe di copâ-mi, tu! È, çe, nuje! Sarà me, gambiarà idee cul timp. Toni, el cont cul! — al tache la man fa sachete e in chel lì denant di lui 'l è 'Sef dut scalmanat che 'l bagne 'l bec cu la façe di neri. Checo i dà sot vie un çhalon di brut, e i ven sù.

— Çha' Checo, no ti vevi nance viudut no, jo; çe fasis-tu cul tu bessol? No tu vegnis fur tu po!

— No mi va, cun cui ja-o di balâ po, jo; son dutis impegnadis. Jeri zà di prin sul bal, jai viudut che par me no 'l è! — e jù pal nas i cor la bausie.

— Anin, anin; no tu 'n çhatis nissune, malandret el mistir. Cà dis minuç si bale la furlane. Tu mancis propi tu ve'. Jè Rose culà cunt-une so amie. Fasin cussì: jo t'impresti Rusute par un mumintut. Tu sâs pur che fin cumò jai balat dome cu la morose, e balâ simpri cun chē...! Jo çholarai chē altre. No ti plâsie Rusute?

Checo no 'l sa çe dî.

— Çha' che 'l diau al ven a çirî-mi — al pense fa pançe — che no vedi di fâ cualchi strambolot jo usgnot. Ma balâ cun Rusute, e balâ la furlane! Çe a-o di fâ jo cumò?

— Anin, vegnis-tu o no vegnis-tu; çe isie di pensâ cumò! No stâ míngul crodi che Rose s'inrabii, po nance par ideis, no! E po tu tu dovis vignî. Momenç tu mi ju fasevis doventâ maç arsere i veçhos di Rose, tu canajat. No la vévin capide lor, puere int. Jo vuei viodi-ti legri ance te, fin cumò jai tant giuldut jo cun Rose che no ti disi. Tu viodaras çimût che ti bale; jè une frute che val un milion, par balâ po ti lu siguri. Tu la provaras.

— Ben, ben, anin alore!

Al si jeve sù, 'l si 'nacuarc che 'l ja li giambis infurmiadis e 'l çhaf i pese. 'Sef lu çhape di sot dal braç, e vie fur lor.

— Rusute, cull ti meni un gnof balarin pa furlane.

Je ti viot Checo, no sa çe di. Çe colp par je di viodi-si-lu li denant cun chei voi che la çhàlin come se vuaréssin brusâ-le.

— 'Lore fasarin cussì, tu bale cun lui e jo çholarai Luçiute.

— Çe a-o di di-gi jo? Jo balâ propi cun Checo! No 'l sa lui 'Sef dut cuant; sarès mior che i fasi capî. Ma çimût? E 'l sclopon che i vevi di dâ-gi tal bal? Al si à dismenteat lui, pueret — pense — Ben pal miò cont — a dîs a fuart — Dome no tu mi vevis prumituf tu arsere....

— Ma si si, no tu sas tu che a di un amì.... Viot che son drenti i pars zaromai.

E i pars contenç e riduçant ti pássin lor ator e ti çhàlin plens di gionde la int di fur. Si sa, si à di balâ la furlane, po disi! jè che par balâ-le ben, gi ûl jessi brâs e cui mior dai furlans par balâ!

— Anin — 'Sef al çhol sù Luçie e vie drenti. Checo al ti viot Rose zale zale come une coçe. Al ja scuásin paure di lâ-gi donge.

E je no si mof.

— No vignîs ancemò, çe spietês-o — i sberle 'Sef stant di drenti.

— Sì, vignin cumò! — lui la çhape pal brâç; Rusute dure e smuarte si lasse strissinâ. Duçh i doi ti çhamînin sençe viarçi bec, moi moi. Je si çhale ator e çir cui voi el so 'Sef, lui ros come une bore e çhalt la çhale fisse fisse.

— Ben, Rose, ristin a di chel di arsere!

Je no i rispuint.

— Tu às voe di mandâ-mi ta chel altri mont, tu!

Par li al passe 'Sef.

— Ben, çe musis duris che mi vês!

Rose i riduçe juste par no vaî.

— Çe 'l ae di nassi avuè ancemò? — a pense — çe a-o fat jo di no spiegâ-i mò prime a 'Sef dut cuant! E „tu às cur di paidî-lis“ al mi à dif arsere; ma no sôî jo parone di vuarê-gi ben a di cui che ûli jo? Ma zà no sarâ nuje no!

In chel a scomençe la músiche. I pars si lássin, i zóvins di une bande, li zóvinis di chê altre. Rose jè contente di vè-si tirat in bande, si poe su la ranghiere e çir 'Sifut. Ti lu viot in somp dal brear, a fâs par lâ-i donge, ma in chel, daûr da músiche, ti végnin indenant lor i zóvins a çholi li frutis. Chistis ti sçampin ridint e si vóltin indaur cun chê muse che dîs „cori-mi po“ e si vóltin che no si védin fermaç, ches feçatis! Dome Rose a pâre che sçampi par a bon, no si volfe e no rit; je si mof di chê bande che 'l è 'Sef. Checo 'l si 'nacuarç.

— E, no tu mi sçampis, no, pa Mado.... — si la viot lui che i sçampe chê frute, chê bieles frute; el vin un pôc a la volte i fâs dismenteâ che 'l è lì tal brear che un grun di int ju çhalin.

— No stâ sçampâ-mi, fermi-ti, Rose — e je par no dâ tant tal voli, si ferme tal çanton a drete da rorchestre là che si viot dome i fruç.

— Lassi-mi, ti prei, Checo, lassi-mi, jo no sôl colpe di nuje, no puedi, no puedi fâ-ti altri.

— Çe no tu puedis? Ise vere çe che tu mi às dit arsere?

E je tâs. Lui i bute 'l foçolet ros.

— Çhape culi e che 'l nus tegni adun.

— No, no puedi!

— Çhape, se no....

— Ma Checo, ti prei, la int nus çhale!

— Çhape!

— 'Sef, 'Sef, çe as-tu fat, tu!

Cuintre stómit ti lu çhape 'l foçolet par un blicut e lu ten mol mol.

— Biele tu, ten-lu strent e....

— No — e lu mole.

In chel ta chei altris pars li frutatis i bútin i sclopons ai zóvins.

— Fur cul sclopon, Rusute, bute, ti prei, bute, gio! el miò çhaf 'l mi zire, i lusors mi córin ator e vuélin çhapâ-mi. Rose, bute!

— No, Checo, no puedi!

— Ce?! — e la çhape strent strent pai brâs. Fur che vegni chê peraule; o vuarê-mi ben o doventi mat avual!

La ja çhapade, la sacode. Chê puere frute si çhale ator, ûl tacâ-si a sberlâ a fuart a fuart.

— Fur el sclopon, se no.....

— El sclopon jai di dâ-lu a di cui che vuei jo! 'Sifut, 'Sifut, ven cà, ven cà!

— A, ciçe! — come une bestie al ti salte sù, la çhape pal
cuel e i ûl puartâ-gi vie 'l sclopon, ma je gi lu ten strent strent in
fa man.

— A, no tu molis, tu clamis 'Sef, tu; ti ài visat, jo!

La mole, fur da sachete si viot alc a lusî, ti lûs alc par ájar
come un curtis e jù el puin di Checo.

— 'Sef, 'Sef, 'Sifut — si sint un çiulon che 'l romp i templis.
Ti cole par tiare; el bal 'l si ferme di colp. Rose insanganade jè
lì che ti strenç ancemò fa man el sclopon.

— Çe ise, çe ise, çe ise, Rusute — al cápìte come une saete
in cà 'Sef curint.

Je ti viarç i voi e cunt-une vusute:

— 'L è stât par vuarê dâ-ti dome a ti el sclopon; çholi-lu
tu; perdonai-git.

No dîs altri.

Checo 'l è in nà fer fer come impalat, cui voi disledrosaç,
no 'l dîs nuje nuje.

Dut int-un al si tache a ridi a ridi e 'l sberle:

— Dulà ise lui el miò çhavalut, el miò çhavalut, lui! — e
ridint e ridint al si tache a cori pal brear.

I lusors son distudaç, la int lade vie, el brear vuet vuet.

Tal doman fur da çhase di 'sar Zuan ti puártin fur un muart;
daûr di chê casse 'Sef al suste e 'l vai.

Checo 'l ti 'l è t-un ospedal, al ja piardut çe che 'l Signor
'l ja dat-i di mior al on in chist marimont, al ja piardut la reson.

SE LA PRIME MI ÇHOLEVE.....

— Sis — siet — vot — more —
— El pont 'l è miò!
— Çimût, se buti cuatri!
— Duçh tu ju às!
— Çha', çe voe di scombati par gust! Vevi el det cussi, jo!
— Cun amis mi à simpri plasut di zujâ, ma chei che
intîndin....

— Çe? Mi tegnis-tu par un imbrojon par forsi?
— Çe? Disi-mi, cuant ti a-o imbrojat jo, po?
— Ma çho, chist no ài dif!
— Pa Madone, miò 'l jere 'l pont! Baste. Anin, che vuei
viodi-ti i bugei.
— Çe? a mi?!

E un tic di cà un tic di là, li venis dal cuel i dovéntin
simpri plui gruëssis e ches dos musis cun chei voi che ûlin
sçhampâ-i vie son robis di fâ paure. Meni, el plui rabin, jevat
in pins al mene par ájar la boçe, che Diu nus vuardi!

Úrtin, sbúrtin, svólin flasçhis, taçis, rabáltin li taulis. Nissun
ju ten plui.

— Stet cujeç, stet cujeç! — 'l è 'sar Antoni che 'l si à tirat
in cà fur dal mezat di là a sintí chê cunfusion. Di tire lui al
ferme Meni pal stómit.

— No stet fâ davoì cumò, stet boins. Meni, anin po, ti
pajarai jo 'l cuartin, sta bon cumò!

'Sar Antoni, cui no lu cognóssie? chel biel viçhut cun chê
barbe che i rive fin sul pèt, cun chei doi voi di bon. E Meni
'pene ti lu viot, al si sinte magari rugnant, ma 'l si sinte. Podês
crodi, 'sar Antoni al jere 'l so paron e po 'l saveve lui Meni,
çe tant che chel viçhut a lì dopo muart so pari al veve fat par
lui e dut par menâ-lu su la buine strade. Chel barufant e chel
çhocat di Meni a lì al è propi chel bon frut di une volte che

'l ti doventave mat di gùst, baste a vè puduf vè la scòrie in man e „a man, gajarin“ „in nà, viole!“ e discolç e cun chë çhamese viarte jù, lui, come un uminut pal agar. So pari biel lavorant al fermave di bot di sapà e lu mangiave cui voi, co ti lu viodeve a fâ-si indenant cu la tomane dal gùstà; po sintat sot di un morar sujant-si i sudors dal çarneli ance chë cródie cun tant di pei a lì i faseve bon pro a viodi-si-lu lui cu la pale in man dâ-i drenti ta tiare, e cun çe amor e cun çe fuarçe!

— Po sì, che Diu ti tegni par simpri la man sun di te — al pensave tal so cur e i riduçave chë boce sute pa strachérie — e tu saras la lus dai voi, co mi cloparan i zenoi, benedet. Tire dret, tu; po sì che jan di dî „çe aste di zóvin!“ — e duf content, dopo gùstat, vie lui a strussiâ 'l puer on sençe viarçi bec sot di ches sflamiadis di soreli, robis che no i crévin i çarviei.

'Sar Antoni lu veve par çhase di piçul in sù e 'l saveve duf cuant.

Ma Meni 'l è stât un zóvin bon e braf fin che 'l è lâf vie soldat. Tornat a çhase, so pari muart, 'l è doventat une béstie.

— Po sigur, che 'l si à ruinat drenti soldat — diseve la int.

Dulà 'l podévie vè imparat a çhapâ di ches balis, a butâ stramp in chel mût, se no là cun ches feçatis che no son par altri che tignî-si in bon Polónie e fâ-i la tire a li servis!

— Meni, anin, met jù 'l dopli, tiri-ti in cà e sta cujet!

— Ma 'l veve cur di puartâ-mi vie un pont, e po intindi che jo vuarevi....

— Ma ven cà, ti disi! Jo jeri 'l to paron une volte, ti vuarevi un ben di vite e ti vuei ancemò.

— Ma a vô, 'sar Antoni, che 'l Signor us conservi la lus dai voi, a vô!

— Ti prei po, jo sai sì, po, jo i ài siarat i voi a to puer pari, jo!

— 'Sar Antoni, vès reson, sôl trist sì, ma vès di compati-mi. E, no savès vô duf cuant!

E a Meni i scoménçin a vajussâ i voi e lui 'l si ju suje cul comedon chë lágrime che i ûl sbrissâ-i fur par fuarçe.

— No savès, vô, paron Toni, duf cuant. Jai un cur sglonf jo, se savéssis!

Meni al si jeve in pîns.

— 'Sar Antoni, anin di fur e us contarai alc.

A van di fur. Tal bearç 'l è duf çidin.

— Anin lajù, butin-si ta arbe!

Pássin pal mieç dal zuc da balis.

— Ti jas-tu fat mal, Meni? sta 'tent che son li balis, no stâ inçopedâ-ti, va a planc, çhar el miò zóvin.

Si bútin tal mieç di un strop di margaritis. 'L ajarin friscut che 'l va a spas pai çhamps, un pôc a la volte i robe la fumate a Meni.

— Us contarai. No ise vere mo che jo jeri un bon fantat prin di lâ soldat? Ben, viodes-o mo! Miò puer pari al mi vuareve un ben di Diu, lui!

E i conte, i conte lui dal timp lât jù cu l'aghe dal Judri.

— Cognossevis-o Tinute, la fie dal marangon? A, la cognossevis vô!

Si jere propi su la siarade che ti jérin a vendemâ ta braide di 'sar Antoni; plens i segloç e plenis li brentis di raps di úe, e 'l ti leve un odor di most par dut lì intor, robis di fâ piardi 'l çhaf ance a di un sant. Ti çhantávin lor.

Jai mangiat un gran di úe,
par sclarî-mi un pôc la vos....

Ance Meni i deve drenti ogni tant cu la so vos di bas. Tine murbinose cu la runçiute ti crevave cunt-un fâ di ágnul li rasçhis e ogni tant, un di cà e un di là dal filar, si çhalávin di sot coç e je i diseve:

— Tu mi çhális tu, Meni, e no tu mi disis propi nuje!

E çe dispieç, jù ta brente di Meni la rasçe cun dutis li fueis. E i riduçave di gust. E lui a lì come un batécul no 'l jere bon di dî-i nuje.

— Meni, çhale là vie che ti tórnin çhantant Checo e Pine; çhali-ju che ti tórnin cul cuinç, çhali-ju! Anin nò cumò? Vegnis-tu, Meni?

E Meni, nin sì nin no, vie daûr di je e jù lor pa plagnis che nissun no ju vîof plui.

— Po che Diu nus vuardi, no tu sês bon di fevelâ, ses-tu doventat mut t-un colp avuè?

— Mut? ma, Tine, çho.... çe — e lui nuje plui di cussì.

E Tine a ridi, a ridi.

— Çhape cà, ti rabalti el cuinç ve', oçho, Meni, oçho, oçho!.... Çho, ca ti dôl un rap; çha', çe biel ravueç par te; ben, se ti lu dôl jo, no t-ûs vê-lu, tu?

— A, Tine, tu! — Lui lu çhape, al çerce un gran e po crudint che je no lu viodi lu plate di colp ta sachete. Ma chê, furbe come la bolp, i dà di voli.

— A, ta sachete tu metis la me robe! A, cà tu la jas miçude!

E fasint fente di sei 'nrabiade i çhape la sachete e strenç e strîçe che 'l most i cor jù pa barghessis a Meni.

— 'Sar Antoni, in chel moment mi pareve di sei in paradis, us disi — al va indenant lui confan-gi la so in storie — la varessi çhapade e bussade come un mat, se vès vut di colà 'l mont. Çe biele che mi à parut chë frute cun chei voi che i riduçavin, cun chei lavris bagnaç di úe nere e chei dinçh di lat! E viodile a ridi dopo vë-mi fruçat la úe ta sachete!

Je si tire biel jù el so foçolet ros jù dal çhaf e ûl suâ-mi e par suâ-mi si pleë, si sbasse un pôc; jo no podevi stâ plui fer, no podevi plui tignî-mi. I siei çhavei neris come 'l çarbon sguardufaç un pôc e mieç a pindulon, par colpe di chel ajarin, chel canae, mi pássin su pa muse. Cà po no ài pudut plui par a bon. Denant dai voi mi ven come une tele, mi scótin i timplis, no sai plui çe che fasi. La çhapi strente pal so çhavut e no sai plui çe che ài fat. In chel moment mi à parut di no jessi plui jo. La jai bussade, mi pâr; mi àn dismot di colp a sintî a çhantâ la vilote.

Zuvinuç, sintit che us disi,
son sigur a fâ l'amor;
son li viç che ju tapónin,
par çirî-ju vait ator!

— Par çirî-ju — a pensi jo — che no si védin 'nacuart di me e di Tine e che no nus végnin a çirî, chei canajaç, e che no nus çhátin a lì bessoi!

— Tine, Tine — i disi a plancut cunt-une vos che mi s' ingosave tal cuel — anin indenant.

Je si comede i çhavei, ja la muse rosse e i lavris ros come li fueis dal sclopon, che párin che gi sclópin moment par moment; robis che jo no i vedi çupat-i fur el sanc. Çidine çidine je si met su la spale 'l stombli, e vie çidins nualfris da bandis dal disbotedor. El cuinç 'l è plen di úe, i pese.

— Puîn jù culì sot di chist piruçar, tu tu sês strache, mi pâr — sençe dî-mi nuje je met jù e sta cul çhaf sbas a lì fer. Vevi paûre scuásin di dî-gi alc, ma po çhapi cur.

— Sint — i disi — sint, Tinute, ses-tu inrabiade, se di prin ti ái çapat in chel mût?

Je ti dà un suspiron, mi met une man su la me spale e si bute cu la vite viars di me. Nissun no nus viodévie e i dôî ancemò une bussade di gust. E jo mi la viodevi lì denant di me cunt-une musute che no us disi, 'sar Antoni. Chist 'l è nassut ta braide vuestre, propi culà un tir di sclope da vuestre çhase.

Al tâs lui par un pôc, puer Meni e pal çhalt che 'l ti à ta muse, 'l si tire jù 'l çhapiel. El ajarin che 'l passe bugant in chel pai ramaç dai árbui lì donge i fâs a çhar a di chei çhavei luncs

e riçoç e gi pâr di racreâ-si un pôc. 'Sar Antoni ance lui no 'l sa çe di; ance lui al ja cur di racuardâ-si da vendemis cuarante ains prime. Sù parsore tal çil li stelis ju çhâlin e stan a sintî la 'nserie di Meni e po si la còtin une cu l'altre.

— E chiste frute jere chê Tine dal marangon che cumò.... tu mi às dit prime? — i domande 'sar Antoni.

— Propi chê. 'Sar Antoni, 'sar Antoni, chel timp dopo d' in chê di lu ài passat t-un lamp, mi pareve di sei jo 'l pàron dal mont. Lavoravi, lavoravi, strussiavi, come un mus e dut cuant par nualtris doi. Vevi la muse france e un cur in chê volte! e miò pari 'l mi vuareve un ben! lu savês pur. Sábide no passave mai che jo cunt-un trop di amis no ti fossi lâ a çhantâ-i li vilotis sot dal so barcon. E jo çhantavi di gust e metevi ance jo adun li strofis e i disevi dut el ben e 'l biel che si pôl burî fur pa so frute.

E lui i conte da filis passadis insieme scussant li panolis, e çe sturiutis e çe çhalons di robâ-si 'l cur, di lâ a durmî simpri contenç.

— Dopo d' in chê di no levi mai, vuares-o crodi, mai sot da plete sençe vê-le spietade sul poç, co vignive a tirâ aghe e di lì nô biel biel si tirâvin in bande e la mandavi sigur a çhase cu la bafete rosse di une bussadute. In chê volte po no no che no çhapavi balis e 'l mont no 'l mi pareve tant canae çimût che 'l è cumò par me, chist maladet di un mondat! — e Meni 'l si sbroche molant une pidade a scur a di un piarsolar lì viçin.

— Conte, conte biel cu la sflace — i dis 'sar Antoni — e no stâ inrabiâ-ti cumò!

— Us contarai, va ben, ma 'l cur, a contâ-us e a impensâ-mi di chel al mi pâr che 'l mi çhapi fuc cá drenti, ma us contarai lo stes; mi disbotonarai la giachete.

Cápite la leve. Meni, un biel bocon di zóvin, ben fat e ben tressat, lu fâsin soldat; po si doveve pur spietâ-si-le! Çe vaî je in chê di Tine, e Meni cu la bandere indenant, jù pa vile çhantant, sigur di no di ligrie nance lui!

— La di prime di partî, vôi a saludâ-le. „Tine, Tine — i disi — tu sas che jo ti vuei ben. Jo dovi lâ vie e no tornarai tant a la svelte, tu sas!“ — e ti la viodi a rontâ come un frut. „Sint — e 'l cur cul di-gi-lu al mi si à ingropat — sint, viot che jo no ti dismentearai mai plui; 'pene tornat a çhase, tu tu às di sei par simpri par me. Tine, viot di no fâ-mi nuje di tuart; jai cur di doventâ mat, tu mi butaréssis a patrac, tu! Tine!“ — „Çe mi disis-tu, Meni — mi dis je — çe che tu mi disis! çimût puedistu pensâ mal da to Tine, tu? — e mi si fache a vaî a vaî, robis che no i si fermi 'l flat. Propi cussi je mi à dit. E, sì, sì! Lassai-mit tirâ flat un mumintut!

Meni al imbrinche i lavris cui dinçh di fote.

— Jo, 'sar Antoni, i disi jo e mi tachi ance jo a vaî: „— Ma jo, sai jo, Tinute, jo sai dut cuant. Jai dit juste par dî, jo! Jai dit di tant ben che ti ûli e nuj' altri“ — In chê sere jai stat là di je fin a l'ore di gnot, no in çhase di je, ma di fur tal bearç, poaç parmîs da mede.... Par miò pari mi displaseve di lâ soldat, ma se us disi, che mi displaseve di plui par Tine, dovês crodi-mi, 'sar Antoni. Tal doman di matine a buinore tachi el çhaval par presentâ-mi e vie cul cur ingropat, podês dome crodi cun çe cur! Sôi fur dal paîs e lì ti la viodi su la crosade sintade sunt-un pareçhar e mispiete par saludâ-mi ancemò une volte. Dismonti, une bussade — Mandi! — dos scoreadis al çhaval e vie a volop. Mi volti, la viodi distirade tal pluin che si savolte come une mate. Vuei voltâ, ma no, vie. Un tant lu savês dome vô, 'sar Antoni.

E 'l torne a tasê lui, Meni.

— Cumò al ven el brut, 'sar Antoni. Forsi vô savês zà alc, ma us conti lo stes — e 'l si jeve in sinton.

'L è lâf soldat lui e si scrîvén tanti bieli robis. Cui sa çe tanti voltis strac e stracuelat al si butave di sere sot tal friscut dai árbui e 'l leeve e 'l tornave a lei mil voltis li létaris di Tine. Ma un par di mês dopo li létaris di je ti son doventadis plui curtis e plui flapis. Çe ûlie dî chist po?

— Vuei lâ a viodi. In chê volte, savês che miò puer pari al jere malat fur di mût. Jo çhapi un parmes e torni in paîs. Ti rivi 'tor sere pôc prime che suni l'avemarie. Vôi là di miò pari e po dret là di Tine — „Sint — i disi — çimût ise cun te?“ — „Ma, ben, ben, çho no sai, Meni, ma jo.... mi pâ che noaltris doi.... Mi ân dit tanti robis di te, che tu mi sgâris, che ti plâsin une vore li servis di çitat....“

— „Çe, cu' ise che à dit chist! Che lu sçhafoi come un poleç! Fur che vegni chê lengate!“ — Jo in chê volte butâ stramp! che duçh i compains no vévin altri tal çhaf che ramenâ-mi a viodi-mi come un santut! 'Sar Antoni, in chel moment varessi copat el pape se 'l fos stât colpe di alc. Chê lengate i la varessi tirade fur cu li tanais e mifude a rusfî su la gradele e frizi e frizi che no resti nance çinise, no. Mont maladet, cui varéssie crudut che Tine mi veve dit une bausie! Tu, Tine, tu mi às copat, maladet el jet che tu sês nassude! Cui puins sot da barbe i disi: — „Tu às di mostrâ-mi chê canae!“ — „Ti prei, Meni, no stâ fâ stramboloç, ti prei. El non jai zurat di no dî-gi-lu a di nissun e tant máncul a ti!“

Meni vie fur lui come une bugade di buere di chê che sçhaveçe e creve çe che i cole sot i pîs. Vie fur lui, dulà? dret in ostarie cu l'idee tal çhaf di bevi e meti in pâs el so puer cur cunt-un par di boçis di blanc.

— O, Meni, Meni, çimût çimût — cà la man — çimût ise cul soldat? — pagnoche e caffè neri par çene, a! — ma tu sês doventat un bocognat di zóvin, tu! — soregladis tantis che si ûl, si capîs! ma çho, ancemò un par di misuç e indaûr a cà; une biele pivele e sù famee! — Ti son un trop di amis là drenti; duçh i gi sáltin sù, lu çhápín pai braç, lu fásin sintâ. Jè int fuarte chê lì, zóvins di prin svol, fuarç tan che roi, in manis di çhamese, pèt dispetolat, neris ance lor di soreli. Cualchidun al ja di lâ ancemò a çhase a çene, si viot che ti son un par di falç e codars mituç adun lì tal çhanton!

— Cà une gote! cà une gote! Ma sì, çimut vae cun to pari?

— Jeri a çhatâ-lu, al ja bon voli; jai fevelat ance cul miedi e 'l mi à dit che speri.

— Mai mior cussì, mai mior cussì! Spirin ben, spirin!

— Ben, e çe ise di gnof cul in paîs, no mi contaîs nuje voaltris! — i domande Meni fasint boce di ridi.

— Cà, simpri compain. Nuje di gnof. Tu sas pur. Robis di pais. Ma sas-tu che cualchi zóvine cà di nô scomençe a doventâ supiarbute?

— Cu 'ise chê? a, cussì!

— Ma.... çho, no varès nance tuart, no varès. Un bon partit i pâr che sedi cumò chel di fâ-si fruâ magari di un brut, baste che 'l vedi bec. Ma, sinti-mi, no tu vevis di tacâ, tu cun Tine prin di lâ soldat?

— Fiviluçavi sì, ma no par a bon — e Meni 'l si muart la lenghe.

— A, se jè cussì, puedi contâ-ti plui a fuart — al dîs un dal trop — tu sas pur che jo ti ài vuarut simpri ben, e po jérin a scuele insieme e no varessi voe di meti-ti la lune in cuarp. Ben, ti disarai 'lore. Ti saran juste un par di mês in cà. Une di di doménie, cà di nô si balave e lì si viot un tir di doi, drenti un on su la cuarantine cun tant di maneçis che ti disi, ben mitut, ma cunt-une muse di simiot che no ti disi. Chist al dismonte, al si messede 'tor dal brear, e çir e çir sin che 'l ti vualme Tine. — „Signorina — la disi cunt-un biel fâ, ma che biel ridint i sáltin fur di chê boce un par di palotis dal diau — signorina, la vol far un giro cun mi? — e je no sa çe dî, çe fâ. Duçh si capîs, si vóltin da bande di je e stan a çhalâ el truc. Tine dovente rosse come une bore.

— „Al è un sior, un sior si viot“ — si sint a çizicâ di cà e di là — beade je, jè furtunade.“ E je sençe viarzi bec, i dà 'l so braç e bale che ti bali. E tra un zir e l'altri chel sior i doveve dî-gi alc ta vuarelis a planc che je ti doventave di duçh i colors. Di colp lui ti la mene là da so

coroçe e vie come doi culumbuç a spas tal friscut! Tu puedis crodi! Po çe as-tu che tu mi doventis zal, Meni; po çe, bef, bef e no stâ pensâ a to pari cumò. Bef ancemò un got.

— Nuje, nuje; conte, conte.

— Ti son lâç vie lor, e tu puedis crodi duçh a fevelâ, a çhacarâ. Córin di balin a visâ la mari di Tine. — „Po che si rangi — dîs chiste — 'l è un sior no? che prufiti. Po, no sarâ mal zâ!“ — e lì duçh a dî la so. Ti çhacárin e di lì miez' ore ti son indaûr in paîs. Je dismonte e vie di lunc a çhase so, lui vie cui çhavai.

— „E cussì di Tine“ — disi jo. Sintit, 'sar Antoni, se sês un on, dovês capî-mi. Jo clami sù di bot un litro e mi meti a bevi a bevi, robis che no sclopi. Varessi vuarut vaî e sbrocâ-mi cussì, ma no ài pudut, in chê sere pa prime volte in vite me jâi dit un corpo.

— „Propi cussì ve' Meni — al mi dîs, lui el miò compain — e po dopo d'in chê volte ogni sâbide di sere al ti capitave chel siorat a tir di doi. E, tu dovaréssis viodi çe ábiç, çe cordons di áur che ti à Tine! Che la vedi di çholi, jo no sai. Ma dîsin che.... che.... messedâ-si tal çarbon, si reste çarbonaç e che ance je vedi zaromai la svergónze cun sè!“ — „Çe, chiste ance, Signor, Signor!“ — „Ma çe as-tu — dîsin chei 'tor di me — ses-tu diventat mat? Po sta fer, se savevi no ti contavi nuje!“

— „Tine, Tine, la mè Tine, mantignude, e cunt-un altri.... Ma jai di svindicâ-mi — a disi murmujant. — „Po sigur avuè che jè sâbide, lui 'l è cà e tal ort son sigur che ti fâsin 'l amor!“ — a sintî chisti peraulis fasi un salt fur da ostarie e vuei lâ a viodi. Ju spieti tal ort platat sot fa fasularis e lì ti ju viodi a capitâ. Jai sintut i sçhocs da bussadis. Tramavi. No sai çe sant che 'l mi à tignut che no ài saltat parsore di je e di no vè-le sfracajade! Mi ài facat a sberlâ come une giae: — Svergonzose, scrovate, putane; e dî-mi che jo sgari, che jo buti stramp! Maladete la tiare che ti à dat el pan! Tu às di crepâ come une béstie, ciçe che tu sês une!“ — No sinti altri che un sberlon e jo come un mat a cori in ostarie, no i conti a di nissun nuje e jù vin vin e vin. Çhoc ben e no mal, tal doman vôi a çhase, viarzi la puarte, no sai dulà che vôi, rabalti taulis, çhadreis, plaç e massarlis; di sore miò puer pari al zemeve; jo vôi sù e lì denant di lui mi tachi a blestemâ, a maludî l'ore e 'l moment che mi àn mitut al mont, a vaî, a sberlâ, sençe dî-i nuje di plui di cussì! — „Çe as-tu, fi miò, çe as-tu?“ — „Çe che ài! Jai 'l unfiar tal stómit, pari!“ — „Fi, fi, el cuel lu ài strent, stenti a tirâ 'l flat, Diu, Diu!“ — Jo moli un puin sul scrin; miò pari 'l mi dà un çhalon.

— „Jas-tu di fâ-mi murî tu par a bon?“ — 'l mi dîs, lui. — „Çe murî“ — E jù jo pa sçhalis sençe dî-i nance mandi, no. E mi ài presentat indaûr soldat e là sî che butavi stramp daurman. Biel soldat, jai savut che Tine subit tal doman jè lade

vie in çifat cun chel sior e mi àn dît che la jan viudude come une siorone a spas cun 'tonóbui e çhavai vistude di prinçipesse, ma cualchidun ûl dî di vê-le çhatade di gnot in cualchi luc a fâ 'l amor cun mil di lor. Miò pari ance lui 'l ti 'l è muart. Forsi lui al mi à maludit, 'sar Antoni, prin di murî.

— Ma no, ti lu zuri, Meni, prin di murî al mi à dît che 'l ti perdone.

— Ma che sedi çimut che ûl. Jai un cur tant sglonf, tant sglonf, jo. Torni çhase di soldat, vendi dut e mi buti tal bevi e bevi e bevi par parâ vie la fumate. Ance cuant che çhapi da dî cun chei altris, mi pâr di jessi plui lizer. 'Sar Antoni, se sôî trist, no sôî colpe jo. Lassé-mit che mi sfoghi; se bevi, lassé-mit che bevi e se fasi barufe e mi odólin magari, lassé-mit che mi distrighi jo bessol.

Meni 'l si jeve in pîns crustant i dinçh, cu la giachete su la spale.

— Vôi drenti e lassai-mit lâ, jai di crepâ jo compain di une bestie, ma.... se si çhatarin magari a çhadaldiau, vîn di fâ i conç insieme! — e 'l si tache a çhantâ lui cunt-une vos propi di çhoc

Se la prime mi çholeve,
no saressi no cussî!

'Sar Antoni no 'l va cun lui. Al passe sot da barconete da ostarie e 'l sint la vos di Meni.

— Un dopli cà, vinçh ponç, cui che lu pae.

— Sis — siet — more — cuatri!

— No sai çe dî-gi — al murmuje 'sar Antoni — cussî 'l è 'l mont cajù!

NO JÈ PLUI VIVE....

No jè plui vive chê che mi contave chiste 'n storie cà. La puere me marute ti veve ancemò di chel murbin je in chê volte.

Di fur al jere 'l unviar, la buere ti sbusinave jù pa nape che ogni tant pareve vès vut di distudâ la lun e sul fogolar 'l ti vampave 'l fuc e 'l ti sparniçave intor co 'l s'impensave cualchi glâin di fun di fâ-ti vai i voi. Ma si steve cussì benon nualtris lì tal çhaldut sintaç sun chê bançhone tal quartefurdinape! I fruç a durmì e çe si vévie di burì fur di mior par fâ-nus capifâ la sun e cori sù plui svelç a platâ-si di sot da plete se no cualchi sfloce ance di ches di une volte?

— Tatute, conti-nus alc tu usgnot — tache mi sur di mieç.

— Lassi-mi in pâs, ti prei, avuè! Sôî strac dal lavor. E po 'l è 'l toçh che lu ài ancemò su la boce dal stómit....

— Çhalait, no tu fâsis che sglonfâ-ti di polente, tu! E tant che jo ti disi....

— Tu sês colpe propi tu, çhare la me viçhute; tu mi la fâsis masse buine, tu, come un colaç, che fâs vignî da bon la biele voe e jo....

— Sai sì, jo sai che tu sês un pinçonat, un golosat, che tu sês! — jè me mari che ridint si pleè e pare in bande un stiç mieç cunsumat di sot da boris. — Jai capît, larai a çhol-ti un got di vin che 'l garp 'l ti slichì jù....

— Ben, çhol doi e fasarin une bivude in compagnie — i sberle daûr miò pari a je biel zà jevade sù cun tant di bocal in man. — Sta 'tente di no restâ a scur, di no imberdeâ-ti ta còtulis; se tu colis, viot di clamâ-mi di bot, vegni ben jo a tirâ-ti in pîns!

— Bricon di veçhat!

Une ridade e vie je.

— Tirin fur la pipe cumò! — dos bugadis a plen e me mari jè indaur a lì cun chê rubute di alc di bon.

— Svelte, sì lafé!

— E, une volte jeri plui svelte, nomo? plui svelte! Ti saltavi di trat siet murais come ridi!

— Çe po se no une volte, tu, co no tu sas çe di!

— Sì, propi une volte. Jere une volte une frute....

— No stâ fâ-mi ridi! No tu às di contâ che robis di fruç, tu! I fruç son zà biel sot i bleons, se no tu sas ancemò! No stâ çhalâ-mi di brut cumò, bambin. Çho, çho, baste che no tu lássis fur el lof!

— Lassi-mi che conti po! Sintit, cui che no à voe di sinti, 'l è 'l jet che lu spiete ance par te.

— Conte, conte, tu, mamute. Al dis cussì parçe che tu i às çholt-i la volte.

— Tu conte e jo bevarai.

— 'Lore us contarai.

Jere une volte une frute. Disévin che sei stade une bieie frute. More jere e veve sédis ain. Da to etat ve', fie.

— Cuanf cápitie 'l lof? — al çonce miò pari cunt-une çimiade di voli.

— No stâ vê paure no, che 'l vegnarà ance lui — e fâs boce di ridi — cumò lassi-mi lâ indenant.

Ben, chiste frute jere un sistin di frute. Judave i siei e leve a lavorâ ta filande. Ains di criure in chê volte, çhars i miei zóvins! In chei dis si cuistave dis solç e tirâ sede e sbuentâ-si li mans plenis di poleç, sgobâ come mus chê pueri frutatis, da li sis di matine fintramai a lis vot di sere. Un çhaf di renghe, un tucut di polente rustide su li boris sot el gûrmal, e vie a çirî furtune.

— Mi racuardi, mi racuardi che ti à toçhat juste ance a ti di chistis voris, la me fiminute. Malon, malon in chei timps!

— Cussì chiste frute, ma je jere contente lo stes; judave i siei di cur e duçh cuançh si tirave indenant máncul mal.

Propi d'in façade da so çhase al lavorave un zuvinut su la vintine. Un biel zóvin, fuart e grues, come un leon, voi gris e bon, muse ben fate, dos mostaçutis biondis e riçis di sot dal nas dret a nivel. Us contarai ance che cuant che chiste frute si jevave sù a buinore par lâ ta filande, lui al ti jere zà lì che 'l veve fat saltâ 'l clostri, viart i barcons da buteghe, dos stríssulis sot dal pignat da cole e po cul gûrmalut di sac mitut sù, poat pa puarte, un pit incrosat, li mans ta sachete, 'l ti spietave fer

a lì el so paron; ogni tant al veve cur di dâ-i drenti sot vos a di cualchi vilote. Je saltave fur da puarte cu li çavatis in man, un çhalon par omp, un „bon di“ a plancut e dut varès parut conçhat cun ches. Ma no veve di sei cussì.

Us conti dome da frute, di lui pôc sù pôc jù 'l dovi sei compain.

Je, une voe di barefâ peraule! Ma, çimût? no sarès stat nance biel no cussì bessoi! È cun çe scuse? E i sbordonave fur je tal so çhavut di dut, si tormentave i çarviei, ma.... A je i bastave par infant di lassâ colâ une çavate, o di inçopedâ-si, par podê voltâ-si. E t-un lamp i butave sot coç a di chel zóvin, inmò fer là vie, un çhalon di sbris e çimût che ti jere contente je a viodi-lu ance lui dâ-i daur cui voi! Po fermade daur dal çhanton cu la cuçute fur platade mior che podeve, çimût che je si la tetave! E po cor je da bandis di Breçan.

— Çe? jérie par forsi di Cormons che frute? — jè mi sur che i domande.

— Propi di chenti. To pari al dovi vê-le cuçnussude!

— Çimût, çimût, us-tu che.... se no tu mi mi dîsis cui che jè!

— Po ance la storie tu às cur di racuardâ-ti, se propi propi no tu la jàs dismenteade zaromai.

— Da-mi, da-mi cà 'l bocal. Che 'no sedi platade culi tal fonç. Ja cur di vignî-mi sù; se sçhâmpin i pinsiraç, l'ânime no ja plui peçhadaç, a dîsin....

— Viot che i ágnui no son a fonç tal vin come tal vueli! Dulà sôio restade? A, sì!

Chiste frute si fermave daûr di chel comedon a lutâ prin di lâ a vore e lutave e lutave, saves-o çimût? çhoit, come i fruç plens di fan cul nas su la polente, co mi viódin a spartî 'l toçh pai plaç! propi cussì! Puere frute, no saveve je che a fuarçe di çhalâ, 'l sanc i sborfave sù tai çarviei simpri plui e cul lâ dal timp ance je....

— Scomençi a capî — tache miò pari — s'impiaive, i sbisiaive, leve in amor come li çizilutis 'pene rivadis cà di nô di lontanon — e jú une ridade, un got, une bugade, une riduçade.

— Simpri li tos, tu! Ben, çonci, saves-o, se no mi lassês lâ indenant!

E je veve une paure di fâ-si capî di cualchidun! Dome la Madone, prin di indurmidî-si, podeve sintî dut cuant. Je la preave tant di cur che i fedi sçhampâ chel mal saltat fur sençe savê. No us ja-o dit jo che durmive bessole sul çhast? no jere puest par je ta çhâmare di sot e jere sole sole e cualchi volte i sbrissave

fur cualchi peraule e je si 'nacuarzeve e si çhalave ator plene di sbigulite che cualchidun no la tegni a menç; no jérin che li panolis in reste a pindulon jù dai tras e chel cuadri da Madone a çhaf dal jet e insumiant-si di dut di biel leve a çhafâ doman come un bambin di scune.

— Çe storis che tu mi contis! Spietait che bagni la pivide; che no mi indurmidissi ance jo cualchi volte!

— Va sù, se no ti sta ben; cumò che ài tacat, vuei lâ-i fin ta code, da bon!

I contávin a je, puere frute, che i zóvins son trisch, si dovi vuardâ-si di lor! Jan cur di fâ piardi el bon non, el timor di Diu! Che ance chel zóvin, chel garçon a lì che la çhalave cussi di bon, che 'l vedi vut di sei stat trist ance lui, no i podeve lâ-gi jù! E je preave la Madone cu li mans in sù!

Une sere come li altris je ti va tal jet, di sot da panolis je ti mandave a torzeon i pinsirs prin di çhapâ sun.

Jere un ûnviar, une gnot di unviar cujete, no di ches di usgnot.

Je ti çhale li stelis fur pa barconete dal çhast, i sta daûr a di une plui biele e lì cul pinsir di chê stele, je siare i voi. Siare i voi e chê stele je la viot tal sun a doventâ grande grande come une bore e simpri plui grande, e chê borone scomençe a pindulâ, si mof e si 'nacuarç che si mof come une coroçe a fuc indenant e cor e cor e cor e propi da so bande. E us faseve un sflandor simpri plui grant che la inçeave. E chê stele simpri in sgorse indevant, scuásin che la vès vut di çhapâ-le sot. Je prove a lâ in bande, ma no pôl movi-si. E fur di chê stele saltave fur un fun dal diámbar, robis che no la sçhafoi. A Diu, la çhape sot, ve'-le, ve'-le, ai, ai! Cunt-un sçhasson e sberlant si dismof el çarneli sudat e ti suste che no i ven el flat. Si dismof e un sçhafojaç di fun 'l emple 'l çhast. Sta 'tente e sint jù da bas une cunfusion di vôs. Sul tor súnin çampane marcel! Si dismof a vual. La so çhase jè in fuc! Salte fur dal jet come une mate e cor svelte sul pujul sberlant e çiulant; in chel fur pal barcon di sot viot a saltâ fur fuc e flamis. „— Salvai-le, salvai-le, o Diu la me frute. Madunute benedete, salvai-le!“ — Ta chel lusor je pôt viodi so mari mieze nude cui çhavei sgardufaç, che cor di cà e di là. Une cunfusion jù par tiare. Si móvin, si messédin, un di cà un di là. — „La sçhale là di 'Sef!“ — „No, chê altre jè plui lunge. No rive chê lì!“ — Ma nissun no 'l fâs un pàs plui in cà sun chei murs zà mieç scotaç. E li breis i súdin sot i pîs; je in çhamisute jè poade par un diurint dal pujul e si pare la boce cu la man par no tirâ su chel fumaf. Prove a sberlâ, la vôs jè masse rauche, la gòle jè sute.

Dut int-un un crac trement, un nul di falisçhis la tapónin. No pôl plui, cole jù in imbast. 'L è lâf jù el pavement da çhamare di sot.

— „In bande, in bande, sôî jo a cà“ — al cor fur un di chê int imbacuchide — „sôî jo a cà“ — 'l è 'l garzon dal marangon cunt-une schale lunge lunge su la schene che 'l si sgose par passâ. — „Vait in nâ!“ — 'L è rivat, al tache la schale pal mur e dret e svelt come un glir al si rimpine par sore e sù e sù! 'L è sot dal pujul. Al creve cu li mans i diurinçh, al pete un salt par sore, al vualme la frute distirade jù, si la poe su li spalîs! In chel une sflamiade di fuc e di fun a bugadis ju incolaçe. Ance 'l paviment dal çhast 'l ja çidut.

— „Ance lui 'l è lâ!“ — jù la int. Ma lui mieç rustit si ten strent pa schale e plui svelt che 'l pôl, 'l si mole jù.

— „Diu Marie, che 'l pujul 'l è par colâ. Ve'-lu, ve'-lu! Diu, Diu!“ — E jù 'l pujul rabalte la schale e chei doi lì par sore. 'L è dut int-un. Lor e i tras in fuc. — „No jè redénçio, no je redénçio plui!“ — son li féminis che préin. In chel fur di chê famosse si mof alc di scur. 'L è chel zóvin cu la frute tai braç. A la çoche, i zenoi i clópin, al ven indenant, la vite si sruce e 'l plumbe par tiare.

Me mari si ferme. Miò pari si sue une rie di sudor che i si mof sul çarneli. Cu la pipe distudade in man, cul bevi 'l è restat a mieze taçe.

— E chel zóvin e che zóvine?

— La int ju à çholç sù mieç muarç!

— Ma no son muarç, nomo?

— No son muarç, no! Chel zóvin al jere su lis undis e tre cuarç par lâ. Un traf in bore dal pujul i veve colat-i jù su la schene, lu ja scotaf t-un mût, Diu nus judi! Pos dis dopo la zóvine jere zà in pins; ma lui.... Je veve preat i siei di lâ donge dal jet di chel che la ja salvade. Un pôc a la volte ance lui al ja fat bon voli, pueret! Je i deve la midisine! Steve cussì voluntir donge di chel jet, je! Cualchi volte jérin bessoi ta çhámare, si çhalávin tai voi e si capívin benon. Jérin distinaç. Al ja pudut vuarî a vual. Si àn ance çholt di cur. Sint — i dis je a miò pari — ti racuardis-tu di chel zóvin, no?

Duçh cuançh tásin. Di fur la buere sbusine jù pa nape. El lusor al è lì e lì par distudâ-si. El fuc 'l è sçhafoat.

— Vin-o di lâ a durmî cumò? — al sbrundule 'l miò tate.

— Ance vualtris, çhars i miei zóvins, ju cognossês tant chê frute che chel braf zóvin. Al jere un braf zóvin par a bon. No stâ stuarzi 'l nas cumò, tu veçhat! Ju cognossês, ançi benon; dome, dome no son plui zóvins, son scuásin scuásin viçhuç! Spiete — i dis je ridint a miò pari — Spiete che i mostri 'l lof da storie! — I va donge, i pare in bande la çhamese — Viodeso?

Culi 'l è chel scoton. Chel zóvin 'l è propi lui, chê puere frute di in chê volte sôî jo.... chel lovat tu sês propi tu, briconat! — finîs je riduçant che i rídin ance i voi.

— Cumò anin sù!

I veve passat-i ance la voe di disvuedâ 'l últin glut, lui puer on. Jo lu çhali di sot vie e lu viodi che 'l si sfreole cu la manie 'l voli dret, mi pâre che 'l vès vut di vajussâ; ma 'l voli a la mari i rît ancemò.

*

In chê sere prin di lâ a polsâ, co si vîn bussat, el cur nus bateve a fuart a fuart a duçh cuançh, ma di plui a fuart sigur ai nestris çhars viei.

Chê che mi la ja contade no jè plui a contâ-le, ma jo la tegni ben ben a menç. No sa, propi no sai çe che pajaressi a viodi-le a ridi ancemò une volte dome une volte come in chê sere, la puere me marufe.

M I U S - T U B E N ?

— Lúcie, Luçiute.... e brave frute! Si viot, pa so vihute, je! E hariane che 'l buin si slove! Plens i haldirs! No ti dlie la spale!

— No stet f-mi ridi, marute! Si stagne, jo! E po pa me vihute! La int j di fur! I nemai ju i regola jo! Ju sintis e che munglin l j tal hamp, mari! E po si zvine, jo! Voi e torni indar, jai di cont-us alc.... Marute, ma mi vs di d-mi....

— Va, benedete — a pense done 'Sese e i hale dar a so fie e la viot che s'inpede sul shalin da puarte, robis che no i slich i j la hrie — va, benedete; cui che ti  di v, al ja di binid ance to mari, si laf! halait e bra e e schene! e iere di salut! Une volte e, ance jo.... ma jai fat el mi dov, jo, jai fat: dodis fru e duh vs! Un grun di noris. Ma chiste codassute c j un gnul! Ches conolis di fiar e ch vite che no si plee nance.... Ve' che torne ch benedete!

E Lcie ti torne sestant-si el gurmalt 'tor dai flancs di rol; si comede 'l foolet sul havut, pare drenti chel bricon di riot neri neron che i shampe fur di sbris j pal arneli.

— Sn solis! fie! Sinti-ti, senti-ti cul sun ch uhute! E conti-mi dut, dut, la me frute!

Luie si poe un mumintut parms dal rbul e po si bute j sintade su 'l oc l che ti tin la strae pa bestis. Ma la mari ti file indenant e la roce ti cor che 'l  un plas e nance no si 'nacuarc nance no che so fie butade j, si plee su la vite e si tapone la muse cu li mans.

— Ben, tu s dit di cont-mi; s po! — e no si volte par hal-le. Ma ch no i dis nance un ghe!

El soreli al scomene a scot. Su la tiare si mof come un jar e 'l tramue come une flame che no si viot: el soreli i giave 'l umor che ja vut da rosade ta gnot al forment z zalit che i pindule 'l haf biel z plen e slonf e 'l pr co 'l si ninule che 'l disi: el soreli 'l mi sbuente, sintit che us disi, vignit a taj-mi!

— Lúcie, judi-mi a disberdeâ chist grop a câ — si volte da so bande — Po, Lúcie, Lúcie, ce ise mo mai chist, ce ise? Ce as-tu, cumò! Çhali-mi, çhali-mi ta muse!

La çhape biel pal çhavut e i ûl jevâ-gi sù la cuçute! Ma chê ju plate plui ben ancemò i siei voi! E ches bafetis di sôlit rossis tal mieç, ti son cumò color da bore e jù pa barbuta cun chê busute ta ponte i cor un spiçulat di lagrimutis e i bagne 'l grin a gotis in câ e in là.

— Lúcie, Lúcie! Ti prei, ce ise? e ce fantate che tu sês, che lui no 'l ti viodi in chist stat! Po sì, 'l stuarzarès el nas e 'l disarès: „puere frutute, de-git el çhúçhul“ lui, Meni!

— Meni — e un suspiron che i ven el sgrisulaç a done 'Sese. E trame e trame chê frute come une parússule inglaçade da zuluêne e ti spie cualchi bucugnùt di alc e ce par parâ vie la fan.

— Meni!.... e tu mi rontis come une frutute, co mi met sù i dinçh di lat! Meni!.... e tu mi vajussis in chist mût, tu mi frichis! No i us-tu ben a Meni?

— Marute — e Luçie la çhape a braçecuel e la busse la busse — a, marute, jo no vuarê-gi ben! Marute, us prei, marute, tant ben, tant ben, che se no fos lui, jo no sai. Chei sçhassons, marute, co lu viodi a saltâ fur da plagne, co lu sinti a çhantâ di matine co 'l passe par di câ cui siei manç, ce tanti voltis in çhamisute i dôl daur cui voi platade daur di chei gorofui lassù che pendólin jù dal barcon fin su la parte! E lui al çhale in sù e no 'l mi viot e 'l crôt che jo duarmi. Meni, Meni!

— Po, fie, e indalore? Ti ae lui fat alc di tuart? No 'l pensie forsi par a bon di? Al jae une altre par forsi? e....

— No no, marute, jo cognessi, cognessi, masse ben el miò Meni, jo; lui al mi ûl ben! — e je plate 'l çhavut tal grin di so mari, je.

— Ce? fie! jas-tu dismenteat ce che tu às imprumituf a to mari tu, co tu vevis 14 ain?

— No, mari, mari, no, no! Nance par ideis!

— Viot di no zujâ cul fuc, fie!

— No, marute, jo sôl une buine frute. Ma.... lui....

— Ben, cumò tu às di contâ-mi! Tu sas che 'jo sôl to mari e tu tu sês me fie. Se tu às alc, sôl câ jo.

E 'Sese bute in bande 'l lavor, la çhape biel tal braç e la ninçule come cuant che chê ti veve 15 ain di máncul.

— Sì, us contarai, marute, e viodarès! Meni arsere al mi à.... ma us contarai dut cuant. Noaltris arsere dopo lâit jù soreli jérin sintaç a lì su la bance da parte. El tate al bugave la so pipe e 'l si la confave cun 'sar 'Sef. Vò, mari me, mi disevis che spieti che no vedi primure. Che 'l vegnarà dal sigur. Che

'l dovi menâ a bevi i nemai di prin, meti in órdin i ordens, bagnâ 'l ort e tanti voris e po dopo che 'l dovi capitâ moment par moment.

— Ben, 'l è pur capitat!

— Sì, lui, chel benedet, dut sudat come un çhan, cu la giachete a pindulon su la spale. Al jere strac, puer fion, e pur al jere di buine voe.

— Jeri pur ance jo a lì!

— Sì, sì, marute, ma us conti, savês pur.... „Sinti-ti là sul çoc sot dal morar“ — i dîs so 'sar pari. — „Graçis“ — al poe jù la giachete par tiare e 'l si sinte cujet sul çoc çhalant-mi fis tai voi come se 'l vès vut di mangiâ-mi.

— E jo ti ài dît: „Va là che 'l ti spiete“ — E tu tu sês curude come un seon. E lui al ti à tirat po donge e 'l ja scomençat a fevelâ po a plancut che no vîn sintut nissun çe che vês dît! Viodis-tu che jo sai compain di te dut cuant. Ben, fin culi nuje di mal.

— E si vîn dît tanti robis, tanti robonis. E lui al mi contave che jai bieî voi, che li mes streçis a son lungiononis, che jai une vite di pipine, al mi diseve lui, che jai une boce di.... e tanti robis, marute, che mi svergonzi a dî-us. E po al mi à çapat a planc pai braç e 'l mi à dat une bussade. Si vîn dismot come di un sun, vîn sintut che 'l tatufe al fevelave da vigele stele. E jo jeri cussì contente, tant contente che no us disi. È jo pensavi: lui al fevele di vacis e jo e jo jai culi chel che brami. E lui al mi strenç pa vite, al mi sflade cussì çhalt sù pa muse e 'l mi dîs tanti bielîs peraulis che mi schâldin el cur int-un mût! Jo i vuei tant ben, tant ben, i vuei. M'insumiavi scuâsin e dut int-un colp mi sinti a dî: „— Çe, mi us-tu ben?“ — ai, çe colp int-al cur! Çe bot! Mi pareve di colâ come un çoc par tiare e di murî. — „No tu mi disis nuje, propi nuje! Mi us-tu ben? No tu mi ûlis ben 'lore!“ No ài cur di dî-gi nuje. Marute, lui al mi domande se gi uli ben! Jo che i ài dît-i tanti voltis che mi pâr di murî, se no lu ài donge, che mi pâr di tornâ a nassi di bot, se mi lu viodi a capitâ. E lui, lui al mi domande! No 'l mi crôt, no 'l mi crôt, lui! Mari, marute, çimut al puedie vê un pinsir dome contrari, dome un dubi di me? Çe ûlie dî? No, no ài plui padin. No, marute me, no, marute — e gi s'ingrope 'l cur — no i puedi perdonâ no, i gi vuela tant ben, tant ben, ma dî-mi cussì, in chel moment di gionde! „— Mi us-tu ben?“ — Se 'l mi cognos, al no 'l pôl domandâ-mi cussì! E po e po, marute me, marute me....

E je torne a vaî a vaî.

— No ài pudut.... dî-gi.... tant.... tant.... e 'l è lât vie un pôc rabiussat!

La mari la lasse vaî un pucuf e riduțe riduțe sot coç. Fur dal pulinar scornosse fur une gialine e cocodeche che 'l è un gust e clame la parone a çholi sù 'l uf çhalt çhalt fur da cove. Ma la parone no i bade, ja so fie je sul cur.

— Ben, cumò vonde vajut! Capide? Fie, une bussade e sta cujete cumò. O, ben! Ta nestre glisiute no as-tu mai viudut chel cuadri grant a drete dal ortar? Tu lu jas in nimenç, nomo? Ma jo mi racuardi inmò di chê fieste che lu jan mitut sù. Tu tu jeris piçinine in chê volte, no tu savevis che sbeleâ tu in che volte e fâ am-am. Al jere vignut un frari cà in pais e 'l ja imbastit une pridiçhone che no ti disi. No mi racuardi propi ben dut cuant çe che 'l ja dit propi just just, ma la bale dal lot 'l è pòc sù pòc jù cussì.

Une volte, e tu savaras, 'l jere 'l Signor e san Pieri e ti polsávin sot di un árbul tal mieç di un prat, là che ti jérin a passon trops di pioris e çhastrons. El Signor al jere strac fur di mût e distirat sot da ombrene al veve poat el çhaf sui zenoi di san Pieri. Al jere un çhalt dal diámbar. Li bestis ance lor ti vévin poce voe di becolâ chê arbe mieze brustulide e ti stévin distiradis cul çhaf a pindulon. Al jere cussì çidin lì intor, dome fur di un sterp si sintive un sivilot a sivilâ la falulele: el puer pastor cul çhan durmion donge di sè al vuareve çhapâ sun. El Signor al çhalave fis fis san Pieri tai voi. E san Pieri cun chei voi zà mieç patiç pa strachérie e pa veçhae al vualmave cun poce voe chel ájar di sçhafojaç. El Signor al pensave par forsi a chiste puere int che si fadie par un crust di pan, al pensave dal sigur a li blestemis che jan di dî-i a lui, che no 'l ja fat altri che dal ben, che 'l è muart par fin par lor. Dut int-un fur di chei voi benedeç cúchin fur dos lagrimutis.

— „Pieri — al dîs dut int-un bot — Pieri, mi us-tu ben, plui ben di chei là, tu?” — Pieri al ja un sçhasson, si jeve in pîns e viçhut che 'l jere cul pèt in fur al pâr un zóvin.

— „Sì, Signor, vô savês che us vuei ben!

— „Ve' là, mene a passon i miei agniluç!....

— „Pieri, mi us-tu ben tu?” — e lu çhale cussì di bon.

— „Signor, Signor, vô savês çe tant ben che us ûli!

— „Mene a passon li mes piurutis!....

— „Mi us-tu ben?

E Pieri al plee 'l çhaf e 'l è mieç avilit e sturnit che i domande tre voltis daurman.

I dîs:

— „Signor, vô savês dut cuant, vô savês che us ûli ben!

E i voi i ridúçin di gust al Signor e i mostre li pioris e i agniluç a san Pieri e i dà in cunsegne li nestris ánimis e san Pieri cussì al dovente 'l prin pape dal mont.

Viódis-tu, çhare la me frute, viódis-tu, el cuadri là che 'l Signor i mostre a san Pieri li pioris parmîs di chê aghe, ûl dî chist.

Sint mo, çe crodis-tu che 'l Signor no 'l vedi savut che san Pieri i vuareve ben? No 'cor jessi Signor par capî-le e lui po mai! Parçè cródis-tu che i vedi domandat la seconde e fiarçe volte? 'L è cussì biel a sintî-si a dî di personis çharis: „ti vuei ben.“

Crodi-mi, Luçiute, ance Meni al è sigur che tu i ûlis ben e lo steş lui al ti à domandat.

E Lúcie si sue l'últime lagrimute.

— Un' altre volte, se lui al ti domande indaûr, „mi us-tu ben, ninine?“ fâs biel biel çimût che 'l ja fat san Pieri e çhali-lu tai voi. Luçiute, e lui al ti bussarà t-un mût che no ti disi. Fie, fie, tu sês zuvinute, tu, crodi-mi e inveçi di vai, tu varas un cur che 'l si viarzarà di gionde e 'lore viot di pensâ di to mari, se tu varas po timp di pensâ-gi a je.

'Sese si jeve sù e su la boce ti ja un ridi di furbate.

— Anin, duvin prontâ el gustâ!

— Sês une mari vô, une fémine sante, marute benedete — Lúcie no i pôt dî altri e ches dos féminis contentis une plui di chê altre si tírin in çhase.

Meni al strussie che 'l soreli i sbuente la schene e 'l pense a Luçiute e 'l brame sere e di sei-gi donge sul çoc sof dal morar di arsere.

CHEL ÇHAMP TA GRAVIS!

— Oe, Toni, bon di, sês galandin; po indulà les-o cun chë sburide?

— Sburide, siuruf, che 'l no stei di! Li giambis mi fâsin já-cume, son zà 83 carnavai. Vôi jù ta gravis e vuè dovi dâ-i sot par fuarçe. Che no mi çhapi la ploe a mieç. Sôi sol e se no mi cuisti jo un toc di polente, malafend, no 'l è altri che çholi el tre di cope e tirâ-si moi moi ta buse. Cho' mo! i piçigheç cunt-un par di davoç si ju contente. E chel puer çhamp no 'l mi à che chisçh braç clopadiç in chist marimont che lu afindi!

E chel on cun chë so scoce di çhapiel tan che une çham-pane su li vuarelis al t'imponte denant da vite el so boston di noglar cun tant di grops e 'l si spiçe chë barbe blanche cunt-un fâ che ûl di „e, une volte, une volte...” 'L è Toni, el podestat dal borc, che 'l mi à contat tanti di ches storis e simpri la so barçelete pronte in boce, a lì che 'l mi lute seri seri tai voi.

— Che 'l sinti, siuruf, jo vuè o doman larai a çhatâ i miei muarç. Vevi di di-gi tanti voltis, ma no ài mai puduf. Co i contavi di diaui e di striis, lu viodevi a ridi sot coç. Ma avuè che 'l mi scolti como se 'l vès di sinti so pari a confâ. Dovi sbrocâ-mi une biele volte. Jai contat-i tantis, tan-tis; sai ance che lui al mi lis pete jù ta chei libraç, e jo no savê lei! Ma chiste no la jai mai contade e jè forsi la plui biele, e, biele, çho, biele di fâ vaî ance un puer on compain di me.

E a mi mi si sfante vie chel riduçâ dai lavris che 'l mi à capitaf 'pene che vevi viuduf Toni a curiçâ gubit gubit in cà ju pa strade dal borc.

— Chel çhamp, chel çhamp, sior benedet, çe çhamp! Çe dolor di cur co ti sfondi la tiare; mi pâr di scuartâ el mont intir! Là, lajù çe robonis! e co crusti chel pan mi pâr di sinti-mi in boce come un sanc imbrucit che 'l mi lee i dinçh, li mas-selis, ma lu inglutissi di rabie e di gust, mi pâr di sinti-lu ancemò a rontâ chel maladet, di fâ-i jo di diau e tormentâ-lu!

E chel puer on si sinte sul paraçar da crosade. 'L impie mil voltis la pipe sençe tabac. I dôi un çigar; ance chel no 'l ûl tignî fuc. Ise 'l strac chel puer on vignut sú ta fadiis, sbuentat tal soreli, chel cuarp a lì che 'l burlaç no 'l ja pudut rabaltà co 'l ja sglovat la ramaçe dal rol tal mieç dal bearç, co lui propi difur al steve a çhalâ i nulons di tampieste? Cumò jo lu viodi plet a lì denant di me di bot sçhaveçat! Çe i zirie tal çhaf che 'l çhale como un çhan rabios su pa plagnis dal forment cunt-un çhalâ fis, imbambinit?

— Viódie lassù chê çhasute che lampe e no lampe in jenfre di chel vert di çharandon? Jo viodi da bon a pindulâ jù chel reçes di úe pissone, che jo jai 'implantade, son zà anoruns — e cul boston al mi mostre une çhase pôc plui di un tir di sclope plui in là da glésie da mont — Ben, lassù stavi jo une volte. Saran di chist, che 'l spieti, un 40 ain. Vivevi lassù. La me viçhute, che Diu i dei dal ben, jè muarte e jo no i ài siarat i voi, puere fiminute! Ma indalore jère une fêmeine stagne tan che.... e vévin cun nô dome une fie, la nestre Luçiute, tirade sù come une galefe e veve un 16 ain in chê volte, je, puere frute! Lassù ti jérin nô e nus leve ben, benon. Par nô, puere int, a sa pur, un toc di polente, el rosari e vonde. Ti vivuçávin, el vin no 'l mi mançhave. Al viodie chel çhasal là vie?

— Chê çhasone grande a drete? cui barcons ros là in bande?

— Ben, lì ti steve, sa pur cui, 'l è muart pôc timp fa chel sior, sior Nardin. Ma chistno 'l pôl savê che lui al veve un fi, un fi... par chist fi lui al veve butat fur beç a palotis, scuclis sore scuclis e nuje, nuje, dut par di bant, un sçhavaçecuel. Al varà vut un 20 ain in chê volte, chel so fi e struçhat ca di nô cui sa di 'ndulâ, al si à tacat a butâ stramp tan che un sençe diu. Baste di chel zovenat mai a messe, che 'l scusi sae, ma in chê volte cui che no 'l leve a messe, al veve dat dal sigur l'ánime al diau! Jo lu tignivi di voli, jo, e no mi lave jù pal cucl chel so fâ di mataran cun me fie, la puere Luçiute. Je veve, ja-o dit-i? un 16 ain e jere un 'bombon di frute, un ágnul e mi judave, fuarte come un rôl; ti zujave la çhârie di çhaldirs sun ches spalís e, legre e biele, spudade so mari di zóvine, je.

E jo lu lassevi contâ.

— Nus capitave par çhase Chichin, el fi dal çhaliar che 'l veve i siei ordens ta plaçe denant da cumun. E lui al jere un bon frutat, un zóvin bon como 'l pan di pasche. Si veve ance cumbinat cun so pari pa gnoçis. E je ti gioldeve, chê puere frute e çhantave di gust e si jevave a buinore e jù tal çhamp, ta chel çhamp da gravis. E ti jere alte la blave e je, chê frute, puere frute, i pareve zà di fâ la polente, la prime polente par san Martin pal so on. E sei nuviçe e sei nuviçe! E jo ti la viodevi a çholi aghe ta roste che cor parmis dal nestri çhamp. Veve une

paurone je che no si seci par colpe dal suf! — Tente, Luçiute, che à cur di sechâ-si chist an! no ûl ploi! — Ploarà, viodarès, sar pari, çhalait, la mont Çhanine no sgare mai; viodarès, doman nus sglavinarà a selis.... E li di di in di a spietâ chê ploe benedete che i bagni el penâcul e ti steve tal çhamp fin 'tor l'avemarie e jo tornavi cun je sul sçhalar e je — a man, gajarin — la scòrie in man come un on.

E Toni al riduçe e chê barbe al si la slisse, i pâr di sei zóvin como in chê volte. I pâr di sei chel on plen di fuarçe, legri, sençe pinsirs, dut pa so famiute e chê so frute blance e rosse come 'l çil co criche 'l soreli da viarte: la viot lui plete cul foçolet ros sul çhaf, la còtule tirade sù, el gurmâl el pic salt tal mieç da vite. E Toni al riduçe e 'l si çhareçe la barbe.

— Cui varèssie dif in chê volte che jo vessi vut di ma al viodarà ance je, al viodarà. Che 'l sinti, co ti viodi une gialine che mi sbridini li plagnis da me úe, che jo jai tirat sù a fuarçe di braç e di sudor e jo la pari in bande prin cu li bielis e po la scornossi e po je torne, jo, che mi dein pur un mes di preson, sçharii la scope che 'l è un gust; e chê jè ancemò une bestie. Un on no 'l è une bestie, jè ance vere, ma se 'lon cun dut elsoçhaf dome par un capriçi, sençe cur e sençe cusience, al cápîte tai pis e dai e torne a dai no 'l ûl capi-le e 'l mi bute a patrac duçh i miei sudors, al mi ruine la famee, no ise piez di chê bestie? E dovi tasê e devi inglutî, parçè? parçè? par vie che la leç jè da so bande. E po disaran che chist mondat no 'l è un mondat! Çe tanti voltis che ài bramât di murî, jo! Sôî cà ancemò.

E 'l mi çhalave fis tai voi. Jo no i ài pudut dî-gi nuje.

— Nin indenant. Ti sîn al perdon di avost tal Preval. Vevi çholt cun me une angûrie, m'inçopedi, chê cole e si sclape: — scuminçin mal — ti pensi. In chel ti vualmi chel canae, li mans ta sachete, el çigar in boce, poade la schene sul mur da glèsie. E 'l ti çhale fis fis me fie e je rosse come une bore ti sbasse 'l çhaf e vie nô indenant. Tal tornâ ti passin i puinç di len da palut da Prâdis e li di chê altre bande da fuesse tirat parmis di un noglar ti lu viodi jo indaûr. Ti fisse me fie, lui e je torne a doventâ rosse. Lûçie jè zà scuâsin di là, co s'imberdee ta còtulis, robis che no ti colî ta paludèrie, ma lui svelt ti cor in cà, la çhape 'tor da vite e la puarte di là e je rosse si lasse puartâ. — Graçis. — Nuje, nuje, stelon! — Rivin a çhase, la viodi sençe voe e muçine, par dî-i alc, i disi jo: — Lûçie, ancemò un par di misuç e san Martin 'l è cà! po çe ise di vaî cumò? — No mi dîs nuje e sçhampe sù tal jet in chê sere. — E pur cà dovi sei alc di sot — a pensi. Tal passandoman di domènie a messe brime 'ncuintri Chichin. — 'Sar pari, dovi dî-us alc — al mi dîs a planc sot vos — arsere co tornavi dal çhamp, jai viudut

Luçie cun chel sçhavaçecuel di chel zóvin futut; lui i à dat-i un goróful e je i à riduçat-i. — Ai — ti pensi tal stómit — el diau al messede cà sot — Çe us-tu, Chichin, jas-tu di pensâ di bot mal, tu! — Ma no, 'sar pari, jai dit juste par di; sai, sai che no 'l è nuje, ma chel maladet, savês pur, çe che disin di lui! Che 'l sei un 'ánime danade, el diau in çhar e vuès e no vuaressi.... — Tâs, ti prei, me fie ja judiçi! — E, judiçi, 'l è un biel dî, ma lui al ja un fâ, chê canajate che li frutis.... e po un fevelâ che.... nô, puers 'gnoranç.... e je cui sa.... — Ben finissin-le cumò. Dopo misdi vin la sagre e je ti spiete là a fâ doi sbalç cun te; onç i sgareç par intant! — i disi jo a viodilu in ghigne dut avilit. Mi pâr di viodi chê dî. L'ultime sagre dal an. Lajù a san Cuarin.

E lui al tâs. O timp, cussì biel, o timp che 'l cur ti brame, chê sagris dal nestri Friul dut plen di çhanç, ches banderis che soflétin tal ajarin! Chê musis di frututis che ti rídin da lontan co ti lámpin e sot coç si çizíchìn e ti çhálìn e ti brámin e tu tu lis contentis cunt-un salt sul brear e po cunt-une bussade co 'l è scur! Timp, cussì biel, cuant jas-tu di tornâ? El dadis 'l è ta sachete, 'l è simpri pront; sin inmò salç in giambe e cualchi murute cun chel voli çimiot a nus spiete ... ma ... Sagre, e jo ti vignivi cul foçelet di fujaçe, di formadi, e vinaçe no mançhave pal glutidor... Timp di zuvintut, e pur al tornarà plui biel!

— Checo 'l è cun nô che 'l bale cun me fie e je ... jè cussì sèrie. And-ae par forsi alc che no sa çe che 'l è? E vioditi cul bustin sticat e tormentâ-ti a çhaminâ cu li scarpis masse strentis, puere frute; çe tant plui bieche che tu mi sês, co tu mi seselis di gust el forment, i braç brustuliç, la còtule impontade e tu mi çhantis e tu sgobis — ti pensavi jo tal cur. Nô jérin lajù, ma Luçie mole mole sençe fotis — Saves-o, jo mi tiri in bande—i disi jo—tornarai sore sere, saves-o chei zóvins! — E jo mi tiri tal çhamp là ta gravis. Ance jo no jeri di voe, vevi come un grop tal stómit, mi pareve di sçhafoâ-mi framieç di chê int. Li mans daur da schene vôi jù pa plagnis; là in bande une puere giambe di blave plete, li ladris dutis scuviartis fur da tiare. — Che no la vîodi, Luçiute—pensi e di balin mi la dreçi da bande dal casel, ti tiri fur la pale — Po fieste o no fieste, el Signor al mi perdonarà! — e vie biel giangiant cu la pale su la spale e ti sinti a sunâ la rorchestre come di lontan, chei viulins mi vajussávin, t-un colp di man la dreçi chê plante e po mi buti distirat ta arbe e vuei polsâ. El scurot al si tirave in sù e jo pensavi e jo pensavi a me fie. — Sarà une fémìne di áur chê frute e 'l prin nevot po! — Che sinti, par nualtris úmins co 'l cole in çhase el prin frut, 'l è un plasê che nissun lu pae, la fémìne inmò frute e viodi-le a braçolâ e dâ-i di tete e chei doi vugluç ti çhálìn e po ti fricúçin; ma jo crodi che cuant che 'l

ven el prin nevoj, a dovi sei un plui biel content ancemò. Viodi i siei fis a provâ çe che nô vîn provat e pensâ cussî al timp che nô vin passat di zuvintuf. . . . e si binidis el Signor. Ma jo ma jo e jeri cussî content ta chel fresc ta arbe, cun chisçh pinsirs dismenteavi dut. Chê taçe di vin ance chê mi veve sçhal-dat un pôc el çarneli e jo jeri cussî content ta chel friscut! Ti sinti a fiviluçâ, come sçhocs di bussadis. A planc plancut mi jevi sù. No sai çimut, parçe, çholi cun me la pale. Vôi di chê bande. Tegni el flat. Pari in bande la blave e Signor, Signor, se no 'l mi à vignut un colp! Par tiare pognete me fie e inzenoglat parmîs chel manigolt. . . .

— Çe fas-tu tu di me fie? — i sberli jo come un ors e lui — Di vuestre fie? jai fat çe che si fâs di une fêmine! Çhape cà pal cuartin, vieli e tâs là! — e 'l mi bute une çharte di dis. Lùçie un çiuolon e sçhampe vie e lui lu viodi a ridi cunt-une boçhate di sâtane. — Maladet tu, la to ánime, i tiei beç di unfiar. — Mi à parut di 'nsumiâ-mi, di sei stat muart Co mi dismovi, viodi distirat denant di me un on, jo strençevi cul cunvuls la pale insanganade ta mans ingrintadis: i vevi sfondati la casse dal stómit. I varessi indalore çonçhade ance la lenghe, ma in chel tra clar e scur ti viodi int, ti vaívin, ti sberlávin, ti murmujaívin ta gnot. Vévin pesçhat fur dal Judri el cadávar di me fie. . . . E a mi mi àn dat çinc ain di galere. . . . Mandi. Vôi ju a lavorâ tal çhamp. Mandi.

Jo viodi a vaí chei voi e clopâ e clopâ chel çhaf, ti lu viodi a sgambetâ jû pa gravis.


— Ance lui al ja finit di patî — diseve la int fur di messe.


Puer Toni, lu vévin çhatat la di prime ta gravis poat cu la schene 'tor dal tronc di un morar di fuee, la pale donge di sè, el so bocal di aghe plui in nà, la giachete sui zenoi — 'L è muart come un sant, lavorant — diseve la int.

E jo vevi piardut un ami.

TÍTUL.

	págine
La furlane	7
Se la prime mi çholeve	19
No jè plui vive	28
Mi us-tu ben?	34
Chel çhamp ta gravis	39





El présit al è di 1 franc e 30 cent.

Dipuesit: Giov. Paternolli-Gorizia